

դիպում են նաև գիղղաղներ և ցանց պարունակող կիսաշրջանաձև զարդեր։ Նախը աւարտվում է լայն գիղղազավոր գծով։ Քրեղանները զարդարված են ուղղահայաց և հորիզոնական զծաղարդ ումբերով։ Քնորոշ զարդանախշերից են նաև պալարները²⁵։ Հետաքրքիր են շախմատաձև զարդը և երկշարք ումբաձև մոտիվները։

Նշված կավամանների տարածումը դուրս է գալիս Հայաստանի սահմաններից։ Դրանք հանդիպում են Վրաստանի Քրիստիթիի շրջանում²⁶։

«Թեյնիկներ» հանդիպում են նաև միագույն խեցեղենի մեջ։ Զարդերը եռանկյունիներ են, որոնք լցված են ցանցով։ Գան և անզարդ ամաններ (աղյուսակ II, Տ, ՊՊԹ, ինվ. № 556—7 և այլն)։

Անհրաժեշտ է նշել Մուխաննաթ-Քափա բազմաշերտ բնակատեղիի դուռնազարդ խեցեղենը²⁷։ Երբ հայտնաբերված է բեկորներով, ուստի ձևերի մասին խոսելի դժվար է։ Տիրապետող զարդերից են խաչաձևով ու թևեր, հորիզոնական զուգահեռ գծերը, միայնակ և ուղիղ ու ալիքավոր գծերի հետ հանդիպող պարույրները։

Այսպիսիք են Հայաստանի դուռնազարդ խեցեղենի հիմնական գծերը և զարդանախշերը։

Կուտակված հնագիտական նյութը հիմք է տալիս դուռնազարդ խեցեղենը համարել տեղական։ Նրա արմատները գնում են մինչև վաղ բրոնզի դարաշրջանը, այն գոյություն է ունեցել դրեթե մինչև II հազարամյակի կեսը։ Հետագայում ասպարեղից վերանում է և նորից հանգնա է գալիս ուրարտական ժամանակաշրջանում²⁸։ ապա հեղինիզմի դարաշրջանում²⁹։ Այժմ Անդրկովկասում կա դուռնազարդ խեցեղեն պարունակող ավելի քան 40 հուշարձան։ Պեղված հուշարձաններում բացված կուլտուրական շերտերի ուսումնասիրությունը (Մուխաննաթ-Քափա, Ուզնիլիկ-Քափա) ցույց է տալիս, որ դուռնազարդ խեցեղենը պատկանում է III հազարամյակի վերջին և II հազարամյակի առաջին կեսի միջև ընկած ժամանակաշրջանին։

Լ. ԿԱՐԱՊԵՏՅԱՆ

²⁵ К. X. Кушварева, *Изд. арх.*, էջ 121, նկ. 3—2.

²⁶ Б. А. Куфтин, *Изд. арх.*, աղյուսակ LXXXI:

²⁷ Б. Б. Пиотровский, *Изд. арх.*, էջ 28, տե՛ս նաև Ե. Բաբուրյան, *Հայաստանի դուռնազարդ կերամիկայի պրոբլեմը*։

²⁸ Б. Б. Пиотровский, Ванское царство, Москва, 1959, էջ 91:

²⁹ Գ. Տիրացյան, *Հայավան ամրոցի 1962 թ. պեղումները*. ՀՍՍՌ ԳԱ «Տեղեկագիր», 1963, 12, էջ 103—110:

ՇՐԵՀ-ԲՆՈՒՐԻ ԵՎ ՔՅՈՒԼ-ԹԱՓԱՅԻ ԽԵՑԵՂԵՆՆ ՈՒ ՆՐԱ ԱՐՎԵՍՏԸ

Հայկական լեռնաշխարհի վաղ բրոնզեդարյան խեցեղենի շարքում առանձնահատուկ տեղ է բռնում Շրեշ-բուրի խեցեղենը, որն իր ձևով, կատարման տեխնիկայով և հատկապես զարդանախշումով կարելի է այդ դարաշրջանի արվեստի բարձր նմուշների շարքը դասել։

Շրեշ-բուրից և Քյուլ-Սափայից հայտնաբերված խեցեղենն ըստ ձևի հիմնականում կարելի է բաժանել հետևյալ խմբերի։

1. Ծոմասանի մեծ և փոքր կճուճներ-զավաթներ (աղ. I, նկ. 1, 2, 3, 5, 6, II, նկ. 1—6)։

- 2. Մեծ եռմասանի սափորներ:
- 3. Օջախիկ-հենակներ բարձրադիր լայն շուրթերով (աղ. 1, նկ. 4, 7):
- 4. Եռոտանի պատվանդաններ (աղ. 11, նկ. 7):

Վերոհիշյալ բոլոր խմբերի խեցեղենին բնորոշ են լայնակոս խոր զարդանախշեր:

Հատուկ ուշադրությամբ և մեծ վարպետությամբ են կատարված առաջին խմբի միջին մեծության և փոքր եռմասանի կճուճները, որոնց շուրթերն ուժեղ ղևայի դուրս են ճկվում և առանց բացառության եղերված են նուրբ և նեղ հորիզոնական ժայպվենով: Բոլորովն ունեն մի փոքր ներձկված գլանաձև վիզ, ուռուցիկ փոր և ղևայի ցած նեղացող ներքնամաս (այդ պատճառով էլ անվանում ենք եռմասանի): Կողքից նայելիս պարզ գծագրվում է անցումը վզից ղևայի ուռուցիկ փորը, որը շեղտված է հորիզոնական, նեղ, խորաքանդակ դոտիով և ուռուցիկ փորից ղևայի ներքնամասը, շեղտված սուր եզրով: Մեծամասնության հատակը շատ փոքր է և ներձկված:

Այս խմբի կճուճների չափերը սանտիմետրներով հետևյալն են.

Կոլեկցիոն №	Բարձրություն	Բերանի տրամ.	Իրանի տրամ.	Հատակի տրամ.	Վզի բարձրությունը
602	5,8	6,8	8	2	—
644	7	9	12	3	2
601	8,4	8,5	10	3,5	3
600	9,5	9,5	11	2,5	2,5
590	10,5	12,5	13	2,2	3,5
599	11,5	13,5	15	3	4
604	10	—	14	—	—
591	10,5	12	14	2,2	3
766 113	8	10	11	3	—
607a	11	10	11	—	—
607b	9,5	10	11	3	—

Եռմասանի կճուճներն ունեն տարբեր տիպի կանթեր. շուրթից սկսվող և վզի հիմքում ավարտվող ժայպվենաձև կանթ (№ 590), կիսազնդաձև կանթեր, որոնք երկու տիպի են՝ խողովակաձև անցքով և խուլ, որոնց վրա անցքի փոխարեն փոսիկներ են արված: Վերոհիշյալ կանթերը կապված են կամ վզի հիմքում (№ 599), կամ ուռուցիկ փորի կենտրոնում (№ 591, 602):

Բացի կիսազնդաձև խուլ կանթերից հանդիպում են նաև ձվաձև (№ 766/113) կանթեր, ինչպես և գնդաձև կենտրոնում փոքրիկ կլոր ելուստով կանթ (№ 602), որը եզակի օրինակ է:

Որոշ կճուճների շուրթեր կանթի կողմում կտցաձև ղևայի ցած են կախված (№ 591, 599):

Խեցեղենի երկրորդ խումբը կազմում են մեծ եռմասանի սափորները, որոնք ձևով կրկնում են առաջին խմբի գավաթներ-կճուճներին, միայն չափերով մեծ են նրանցից: Այդպիսի երեք սափորների մասեր ունենք (№ 607 1, 2, 3):

Երրորդ խմբի օջախիկ-հենակները ունեն բարձրադիր կարճ, ղևայի դուրս լայնացող շուրթեր, կլորացող իրան և լայնադիր տափակ հատակ:

Նման օջախիկ-հենակներից մեկի (№ 603, աղ. 1, 7) կեսն է պահպանվել, շուրթը մի փոքր վեր է և ղևայի դուրս ճկված, իրանի հետ անկյուն է կազմում, որտեղ տեղավորված է խուլ կանթը: Ունի բարձրադիր իրան (բարձրությունը 17 սմ, շուրթի տրամագիծը մոտավորապես 32 սմ է):



Ծրկրորդ օջախիկ-հենակի (N° 593, աղ. 1, 4) միայն կլորացող իրանն է պահպանվել, իսկ շուրթից մի փոքր մաս, որից զգացվում է, որ այն նախորդի նման բարձրադիր է և դեպի դուրս լայնացող: Շուրթի և իրանի միացման մասում եղել են երկու փոքրիկ օղակաձև կանթեր, շատ փոքր անցքերով: Կանթերից մեկն ամբողջական է, իսկ մյուսի հիմքն է պահպանվել (օջախիկ-հենակի պահպանված մասի բարձրությունը մինչև շուրթը 7 սմ է, իրանի տրամագիծը՝ 17 սմ, հատակի տրամագիծը՝ 14,5 սմ):

Այս կավամանները օջախիկ-հենակներ կամ փոքրիկ կրակարան ենք անվանում նախ այն պատճառով, որ ըստ կառուցվածքային որոշ հատկանիշների (բավականին հաստախեցի են, խոր, ծանր, շուրթերը հաստ) հարմար չեն հեղուկի կամ ճաշի համար: Բացի այդ էլարի դամբարաններում մոտավորապես նույն տիպի, բայց ավելի կատարելագործված ամանները, որպես կանոն դրված էին կափարիչով ծածկված կճուճների տակ¹. այդ հանդամանքը մեզ ենթադրել տվեց, որ նրանք կարող էին ծառայել որպես փոքրիկ օջախիկ-հենակներ, թերևս պաշտամունքային նշանակությամբ:

Այս ենթադրությունն ավելի համոզիչ դարձավ Գառնիում, 1962 թ. պեղումների ժամանակ նման տիպի մեծ չափերի օջախի մասը կազմող հենակի հայտնաբերումով (N° 2235/93): Վերջապես որոշ զուգահեռներ կարելի է տեսնել նաև 1963 թ. Արմավիրի Մոխրարլում հայտնաբերված և նախիջևանի Քյուլ-Թափայի լայնադիր շուրթերով օջախների հետ համեմատելիս:

Խեցեղենի շորրորդ խումբը կազմում են եռոտանի պատվանդանները (աղ. 11, 7), որոնց վրա դրվել են կավամաններ, գուցե և պաշտամունքային նշանակություն ունեցող այլ իրեր, արձանիկներ և այլն:

Այս պատվանդաններն ունեն եռանկյունաձև տափակ հորիզոնական մակերես, որի երեք անկյուններից սուր եզրերով դեպի ցած իջնող ուղղահայաց մակերեսներն ավարտվում են կամարներով իրար հետ կապվող երեք ոտքերով: Որպես կանոն, կամարաձև ավարտվող այդ ուղղահայաց մակերեսներից մեկը, որը կարելի է անվանել երեսի կողմ կամ ճակատ, զարդարուն է: Նման մի քանի տարբեր պատվանդանների մասեր են հայտնաբերվել:

Վերականգնված եռոտանիներից մեկի (N° 605) եռանկյունաձև հորիզոնական մակերեսի եզրերի երկարությունը 18—20 սմ է. բարձրությունը՝ 11 սմ: Ոտքերը միմյանցից հեռու են, մի կողմում 28 սմ-ով, մյուս երկու կողմերում՝ 25 սմ-ով: Մյուս եռոտանիները (N° 766/113, 117, 607/22, 605) թերի են և դժվար է նրանց չափերը որոշել:

Բացի վերոհիշյալ չորս հիմնական խմբերից կան նաև թասի բեկոր (N° 607/31), քրեղանի մաս (N° 607/32), ուղղահայաց տափակ պատերով կավամանի մաս (N° 607/33) և հաստախեցի մեծ կավամանի բեկոր, որի ձևը որոշելը դժվար է:

Այսպիսով Շրեշ-բլուրից և Քյուլ-թափայից հայտնաբերված խեցեղենը պատրաստված է ձեռքով և մշակմամբ կատարյալ է: Կավամանների մեծամասնությունը նրբախեցի է, բարձրարվեստ և լավ թրծված: Կավը բարձրորակ է, մաղած, լավ հունցած: Բոլոր կավամանների մակերեսը կոկած, հղկած է և զար-

¹ Է. Վ. Խանգալյան, *Մեծագործության առաջին փաստերը Հայկական լեռնաշխարհում: Շաղույն բրոնզի դարաշրջանում, «Պատմա-բանասիրական հանդես», 1963, № 3, էջ 304, նկ. 4:*

դարձված լայնակուս ներկված զարդանախշերով, որոնք փորվել են թաց կավի վրա, դեռևս թրծելուց սուռաչ:

Կավամանները ծածկված են սև փայլաներկով (բացառությամբ Քյուլ-թափայից հայտնաբերված մի բեկորի, № 1227/16, որը կարմիր-փայլեցրած է): Դժվար է ասել, թե այդպիսի արտակարգ, երբեմն հայելանման փայլը ինչ-եղանակով են ստացել, արդյոք հենց սև ներկն է իր մեջ այդ փայլը պարունակել, թե ներկելուց հետո որևէ փայլ են քսել, կամ թե այդ բոլորը թրծման տեխնիկական որևէ պրոցեսի հետ կապված երևույթ է: Այդ մասին դրականության մեջ կան տարբեր կարծիքներ: Սակայն էականն այն է, որ նրանք մինչև այսօր էլ պահպանել են իրենց դույնը և փայլը:

Կավամանների աստառն ի հակադրություն արտաքին միապաղաղ սև մակերեսի, ներկված է տարբեր գույներով՝ մարմնագույն, շագանակագույն, մոխրագույն, վարդագույն, դեղին, սև և անհամ մանիշակագույն:

Որպես կանոն զարդանախշված է կավամանի միայն մեկ երեսը: Զարդանախշերը պատահական, ցաք ու ցրիվ զարդեր չեն, այլ կուռ, սիստեմատիկ և իմաստավորված կոմպոզիցիաներ, որոնցում, ինչպես մեզ թվում է, իրենց արտահայտությունն են գտել երկիրը՝ իր ջրերով, բուսականությամբ, լեռներով և մասամբ որոշ երկնային մարմիններ: Այս մոտիվները գերազանցապես համատեղ են հանդես գալիս, սակայն կան նաև առանձին, միայն բուսական մոտիվներով, կամ առանձին համակենտրոն շրջաններով և ակոսներով կազմավորված կոմպոզիցիաներ: Բուսական մոտիվներով զարդարված են գերազանցապես առաջին խմբի գավաթներ-կճուճները:

Կճուճիկ-գավաթներից մեկի վրա (№ 600, աղ. 1₁) երկարավուն, աղեղնաձև ակոսով նշված հիմքից վեր են բարձրանում տերևներ և ցողուններ, որոնք ավարտվում են պարույրաձև զխիկներով: Շատ հավանական է, որ այս կոմպոզիցիայով բրուտ-արվեստագետը ցանկացել է սյատկերել ծաղկի թուփ:

Ծաղիկների և տերևների հաջորդականություն է ներկայացնում մեկ այլ զարդանկար (№ 644, աղ. 1₂): Գավաթներից մեկի վրա (№ 599, աղ. 1₅) պատկերված է դարձյալ վերը նկարագրված բուսական թուփն աղեղնաձև հիմքով և եռաթև ցողուններով, որոնք ավարտվում են տերևներ կամ դուցե և ծաղիկներ պատկերող զարդանկարով: Այստեղ կոմպոզիցիայի կենտրոնը զարդարված է երկար և կարճ ակոսիկների համադրությամբ:

Նման գավաթներից մեկը (№ 607₁₇, աղ. 1, 3) զարդարված է ցորենի հասկը պատկերող զարդանախշով:

Վերոհիշյալ բոլոր բուսական կոմպոզիցիաները կատարված են հյութեղ, թանձր շտրիխներով: Նրանց մեջ կա շարժում, բնության շունչ:

Մյուս կճուճների վրա բրուտ-արվեստագետը բուսական ցողուններով կազմված հիմքի վրա կառուցում է մի նոր կոմպոզիցիոն կմախք, այդ կոմպոզիցիայի հիմքը կազմում է հորիզոնական և թեք ակոսներով կառուցված նավակը (այն կարող էր ոչ միայն չրի, այլ հողի, երկրի խորհրդանիշ ծառայել), որի կենտրոնից սկիզբ առնող և անկյուն կազմող կորագիծ, դեպի վեր բարձրացող մեկթև, երկթև և եռաթև ժապավեններն ավարտվում են ուղղահայաց երկարավուն ակոսից կախված առանձին պարույրով (№ 603, 607₁₈, 4, 18, 766/113, աղ. 1, 7, 11, 1, 4) ակոսածածկ քառանկյունիներով (№ 590, 593, 607₆, աղ. 1, 4) կամ այս երկուսի համադրությամբ առաջացած ֆիգուրներով (№ 591,

607 թ. 7, աղ. 1, 6, 11, 2)՝ Վերոհիշյալ կոմսոգիցիոն կմախքը զուցե և կենաց ծառի ամենանախնական արտահայտություններից մեկն է։


Այս կոմսոգիցիոն կմախքը, որը հիմք է ծառայել Շրեշ-բլուրի և Քյուլ-թափայի բոլոր ձեհրի կավամանների զարդանախշերի համար, բրուտները զարդարել են նաև այլ մոտիվներով, այսինքն կոմսոգիցիոն կենտրոնը հարստացրել են համակենտրոն շրջաններով, ճառագայթաձև ակոսներով, պարույրներով, այսպիսով, մեր կարծիքով, երկիրը, ջուրը, բուսականությունն արտահայտող կոմսոգիցիոն հիմքի վրա բրուտն ավելացնում է հավանաբար լեռները, երկնակամարը, արևը՝ արտահայտող զարդամոտիվներ։ Գավաթներից մեկի (№ 607 4, աղ. 11, 1) զարդանկարի կոմսոգիցիոն կենտրոնում արված է երկշրջան համակենտրոն շրջանագիծ, որի զլխին փորված հորիզոնական ժապավենից վեր տարածվում են ճառագայթաձև դասավորությամբ ակոսիկներ։ Հավանաբար այս խմբով պատկերված է արևը իր ճառագայթներով։ Մեկ այլ գավաթի (№ 590) զարդանկարի կոմսոգիցիոն կենտրոնը հատվում է վերևում սուր անկյուն կազմող երկթև ժապավեններով, որը կարող է ինչպես լեռների, այնպես էլ երկնակամարի արտահայտությունը լինել։ Որոշ գավաթների զարդանախշերի կոմսոգիցիոն կենտրոնին բնորոշ է զարդամոտիվների մեծ բազմազանություն։ Օրինակ՝ իրար դիմաց գտնվող պարույրները միացնող աղեղնաձև ժապավենից ցած տարածվող ճառագայթաձև ակոսներ (№ 607/5, աղ. 11, 2), համակենտրոն շրջանագծից վեր զույգ ակնոցաձև երկծալ պարույրներ (№ 607), կոմսոգիցիայի վերջավորությունը կրկնող զարդամոտիվ (№ 591, աղ. 1, 6) և այլն։

Կոմսոգիցիան մի փոքր բարդացված է գավաթներից մեկի վրա (№ 766 113, աղ. 11, 4)՝ նախ հիմքի նավակն աղճատված է, այսինքն նավակի փոխարեն նրա մասերն են պատկերված, իսկ կենտրոնում երկու սրածայր ավարտվող ակոսներով կազմված դաշտում գետնիված է փոքր երկզալար պարույր։ Այդ դաշտից դուրս վերևում ղեպի աջ փորված է կլոր փոսիկ, իսկ ղեպի ձախ՝ համակենտրոն շրջանագծեր։ Վերոհիշյալ զարդանախշերի կոմսոգիցիան ավելի մոնումենտալ և քարացած վիճակով պատկերված է մեծ սափորների և օջախիկ-հենակների վրա։


Մի մեծ սափորի մասի (№ 607 1) կոմսոգիցիոն կենտրոնը զարդարված է եռաշրջան համակենտրոն երեք շրջանագծերով, որոնցից մեկը տեղավորված է երկթև սուր անկյուն կազմող ժապավեններով առաջացած քառակուսի դաշտում, իսկ երկուսն այդ ժապավեններից վեր՝ աջ և ձախ կողմերում։

Օջախիկ-հենակներից մեկի (№ 539, աղ. 1, 4) եռաթև ժապավեններով առաջացած քառակուսի դաշտում տեղավորված է երկշրջան համակենտրոն շրջանագիծ, իսկ վերին ժապավենները երկու կողմից ավարտվում են երկզալար պարույրներով։ Ը տարբերություն մյուս բոլոր կավամանների, եռաշրջան համակենտրոն շրջանագծերով են զարդարված նաև հիմքի նավակի աջ և ձախ կողմերը։ Մյուս օջախիկ-հենակի (№ 603, աղ. 1, 7, թերի է) զարդանախշերի կոմսոգիցիային բնորոշ են բազմազալար պարույրներ, որոնցով ավարտվում են նաև կոմսոգիցիայի վերջավորությունները։



Եռոտանի պատվանդանները (№ 695, 607²², 766 117) նույնպես զարդարված են վերը նկարագրված լայնակոս համակենտրոն շրջանագծերով, պարույրներով, անկյուն կազմող ժապավեններով, ակոսների տարբեր խմբավորումներով (աղ. 11, 7) և այլն։



1




2



3




4



II 11



5



6



7



II 11

Այստեղ զարդանախշերը առնված են շրջանակների, ժապավենների և կեռադիծ անկյունների մեջ:

Բացի վերոհիշյալ կոմպոզիցիաներից Շրեշ-բլուրի խեցեղենում սակավ հանդիպում են և առանձին զարդանկարներ, օրինակ՝ իրար դիմաց պարույրաձև գլխիկներով և ակոսավոր քառանկյունաձև վերջավորություններով զարդանախշ (N 601, աղ. II, 5), կամ անկյուն կազմող և դեպի վեր բարձրացող զույգ ժապավեններ, որոնք ավարտվում են դեպի աջ և ձախ ուղղված ակոսավոր եռանկյուններով (N 602, աղ. II, 6): Բավականին շքեղ է զարդարված գավաթներից մեկը (N 604, աղ. II, 3), որի զարդանախշերի կոմպոզիցիան բաղկացած է խաչաձևվող երկարավուն սրածայր ակոսներով առաջացած դաշտերից և նրանցում զետեղված համակենտրոն շրջանագծերից և սրածայր ակոսիկներից:

Այսպիսով Շրեշ-բլուրի և Քյուլ-թափայի խեցեղենի համար բնորոշ է խոր, լայնակոս, հյուսիսի շտրիխներով կասարման տեխնիկան: Ամբողջ խեցեղենում միայն մեկ օրինակ կա (N 1227 1), որի վրա զուգորդված է երկրաչափական ուղղադիծ զարդանախշերի ժապավենը, խոր լայնակոսի հետ, ոնդ որում այդ ուղղադիծ երկրաչափական էլ կատարված է ոչ թե գծելով, որը յուրահատուկ է խեցեղենի ավելի զարգացած փուլերին, այլ ուղղակի սեղմելով:

Ինչպես վերը տեսանք ուսումնասիրվող ժամանակաշրջանի արվեստագետը տվյալ դեպքում հանդես է գալիս որպես բնապաշտ և ի՞նչ է ձիշտ են մեր կուսհումները, ապա տիեզերքի վերաբերյալ պաշտամունքի տարրերը նույնպես առաջին անգամ իրենց արտացոլումն են գտնում վաղ բրոնզեդարյան արվեստում:

Այս բոլորը վերոհիշյալ խեցեղենի զարդանախշերի վերծանման առաջին փորձերն են, կուսհումներ, որոնք կճշտվեն, կլրացվեն այլ ուսումնասիրողների կողմից:

Մի բան անժխտելի է, որ վաղ բրոնզեդարյան մարդն արդեն կարողանում էր տեսածը ոճավորելով վերարտադրել, նա զաղափար ուներ սիմետրիայի, ութմիկ կրկնությունների և կոմպոզիցիայի մասին:

Չնայած Շրեշ-բլուրի և Քյուլ-թափայի խեցեղենը կրում է յուրահատուկ տեխնիկական և զեղարվեստական գծեր, սակայն ունի որոշ զուգահեռներ վաղ բրոնզեդարյան այլ խեցեղենում:

Վերոհիշյալ կոմպոզիցիան ավելի շքեղ և հարստացած է հանդես գալիս Շենգավթի կարասի վրա, զարդարված թռչուններով, բազմազույար պարույրներով և կեռադիծ ժապավեններով²:

Շենգավթի սափորների վրա կրկնվում է վերը նկարագրված կոմպոզիցիոն կախքը բազմազույար սպիրալային վերջավորություններով (N 1330 45, 159), սակայն այստեղ այդ կոմպոզիցիան հանդես է գալիս լրիվ պարզեցված, առանց հավելյալ զարդարանքների (N 1330 113): Թե կառուցվածքային, թե կատարողական տեխնիկայի և թե զարդամոտիվների տեսակետից հատկապես մեծ է նմանությունը Շենգավթի կճուճների-գավաթների մի մասի հետ: Օրինակ՝ Շենգավթի կճուճներից մեկի վրա (N 1618 190) պահպանվել է վերը նշած կոմպոզիցիայի վերջավորությունը բազմազույար պարույրով: Կան կճուճներ, որոնց կոմպոզիցիոն կենտրոնը զարդարված է երկզույար պարույրաձև մոտիվներով (1330 20): Էջմիածնի մոխրաբլուրների կճուճների վրայի (N 604) խա-

² Տե՛ս Պետ. պատմական թանգարանի ցուցասրահում, հրատարակված չէ:

չաձևվող ակոսների և նրանցով կազմված դաշտերում տեղավորված համակենտրոն շրջանագծերով կոմպոզիցիայի մի մասը կրկնված է նաև Շենգավթի կճուճի վրա (N 1330/33)։ Այս նմանություններն այնքան մեծ են, որ կարծես նույն բրուտանոցում և նույն վարպետի ձեռքով կատարված լինեն։ Յորենի հասկերի զարդամոտիվներ հանդիպում են նաև Շենգավթի զարդանախշերում, միայն մի փոքր այլ դասավորությամբ (N 1442/6)։

Այսպիսով Շենգավթում այս զարդանախշերն ավելի շարժուն են, սահուն, երբևէն շատ պարզեցված։ Նավակաձև հիմքը բացակայում է և հիմնականում տրվում է կարճ ոտքերի վրա հենված դուզահեռ ժապավեններով կազմված անկյունը, որը վերևում ավարտվում է նույնպես բազմազալար պարույրներով (N 1330/132—133, 45)։ Այստեղ բազմաշրջան համակենտրոն շրջանագծերը և երկզալար պարույրները այնպիսի զարդացում չեն ստանում, ինչպես էջմիածնի մոխրաբլուրների խեցեղենում։

Չնայած վերոհիշյալ նմանություններին, Շենգավթում նշված խեցեղենը հանդես է գալիս մի փոքր խմբով։ Շենգավթի խեցեղենի ճնշող մեծամասնությունը լիովին զանազանվում է էջմիածնի մոխրաբլուրների խեցեղենից։

Նավակաձև հիմքով և բազմազալար պարույրաձև վերջավորություններով վերոհիշյալ կոմպոզիցիան կրկնվում է Արագածի արևմտյան ստորոտում, Բզդիքի հովիտ Յայջի գյուղում հայտնաբերված խեցեղենի վրա։ Յայջիի խեցեղենի զարդամոտիվներում մենք հանդիպում ենք նույն բազմաշրջան համակենտրոն շրջանագծերին, անկյուն կազմող ակոսների զուգորդությամբ³։ Նման զարդանախշերի մասեր պահպանվել են այլ բեկորների վրա⁴։

Շրեշ-բլուրին և Քյուլ-թափային է հարում նաև Աղինի շրջանի Սառնաղբյուր գյուղում հայտնաբերված խեցեղենը, որի բեկորներից մեկի վրա կրկնվում է վերոհիշյալ կոմպոզիցիայի թեր բազմազալար պարույրաձև վերջավորությամբ (N 1547)։ Որոշ զուգահեռներ կարելի է գտնել նաև Կառնուտի (Դիրաբլար, Ախուրյանի շրջան) խեցեղենում, չնայած վերջինս մի շարք հատկանիշներով տարբերվում է էջմիածնի վերոհիշյալ մոխրաբլուրների խեցեղենից։

Կառնուտի խեցեղենում հանդիպում ենք նույն կոմպոզիցիոն կմախքին բազմազալար պարույրաձև վերջավորություններով, կենտրոնը զարդարված թուշնաձև զարդամոտիվով (N 1478/196, Շենգավթի կարասի նման), սակայն կատարված ուլեֆ զարդանախշման տեխնիկայով, ի հակադրություն վերոհիշյալ խոր լայնակոս տեխնիկայի։ Բացի այդ Կառնուտում կոմպոզիցիայի հիմքը նավակը չէ, այլ մեկ այլ զարդանախշ, որի ձևը վերականգնելը դժվար է, որովհետև խեցին այդ մասում կոտրված է։ Կառնուտի խեցու բեկորներից մեկի վրա կոմպոզիցիայի հիմքը կազմում է մի զարդանկար, որով հավանաբար ցանկացել են խարիսխ պատկերել (N 1478/1)։ Այս բոլորը շեշտում է Կառնուտի խեցեղենի տեղային յուրահատկությունները։

Շրեշ-բլուրի և Քյուլ-թափայի եռտանի պատվանդանների կոմպոզիցիոն նկարը (համակենտրոն շրջանագծեր, ակոսներ, բազմազալար պարույրներ առնված կարճ ակոսիկների համադրությամբ կազմված շրջանակների մեջ)

³ C. A. Burney, Eastern Anatolia in the chalcolitic and Early Bronze Age. A. S. vol. VIII, 1958, էջ 43, 191, նկ. 130։ Այստեղ խեցու բեկորը շրջված է նկարված, պետք է նայել հակառակ կողմին։

⁴ Նույն տեղում, նկ. 128։

⁵ Նույն տեղում, նկ. 129, 132, 142, 143։

Կառնուտում կրկնվում է մեծ կավամանների վրա (N° 1478/3), սակայն վերոհիշյալ զարդանկարն այստեղ հանդես է գալիս ավելի բարդացված, ազուցված մանր սպիների խմբերով: Հետևաբար, Կառնուտի խեցեղենը շնայած մեկ թևով կապվում է էջմիածնի վերոհիշյալ մոխրաթուրների խեցեղենի հետ, սակայն ունի նաև տեղային հատկանիշներ, ինչպես նաև ժամանակադրական որոշ տարբերություններ:

Շրեշ-բլուրից և Քյուլ-թափայից հայտնաբերված խեցեղենն իր ձևով, որակով, կատարման տեխնիկայով, զարդամոտիվներով հանդիսանում է Հայկական լեռնաշխարհի հնագույն բրոնզեդարյան խեցեղենի վաղ փուլերից մեկը, որին բնորոշ են կատարման բարդ ձևեր, բարձր ճաշակ, գերազանցապես լայնակոս խոր զարդանախշ հստակ կոմպոզիցիոն պլանով և բնապաշտական մոտիվներով: Վաղ բրոնզեդարյան խեցեղենը զարդացման իր վերջին փուլում կորցնում է կճուճների եռմասանիությունը, գնում է դեպի պարզեցումը սահուն անցումներով: Զարդանախշերը ավելի են ոճավորվում (ամբողջի պատկերացումն արտահայտվում է մասերի միջոցով) և մասամբ ընդունում պիկտոգրաֆիկ ձևեր:

Շրեշ-բլուրի և Քյուլ-թափայի վերոհիշյալ խեցեղենում շնայած սկիզբ են առնում ուղղադիծ երկրաչափական զարդանախշերը, սակայն դրանք նրան բնորոշ չեն, իրենց զարդացման բարձրակետը ապրելով շենգավիթյան խեցեղենում, աստիճանաբար գնում են դեպի պարզեցում և հետզհետե անհետանում:

Մասումնասիրվող խեցեղենում օջախիկ-հենակները հանդես են գալիս իրենց նախնական ձևերով, որոնցում նկատվում է մասերի անհամաչափություն, ձևի անկայունություն, իսկ դարաշրջանի վերջում, էլարյան խմբում նրանք իրենց վերջնական կայուն ձևն են ստանում: Եռոտանի հենակները ևս վերջին փուլում ավելի պարզ են դառնում, զրկվում զարդանախշումից, հասարականում (օրինակ՝ Շենգավիթում, Գառնիում և այլուր):

Այսուհետև, Հայկական լեռնաշխարհի վաղ բրոնզեդարյան խեցեղենի զարգացման մեջ նկատվում է մեկ հիմնական գիծ, որը տանում է բարդից դեպի պարզեցում: Այն նկատվում է ինչպես խեցեղենի ձևերի զարդամոտիվների, այնպես էլ կատարման տեխնիկայի դժով:

Հարգացման այս գիծը լիովին պարզ է և պատճառաբանելի: Այն պայմանավորված է դարաշրջանի վերջում տեխնիկայի նոր վերելքի և արտադրամիջոցների զարգացման շնորհիվ տնտեսության մեջ տեղի ունեցող փոփոխություններով՝ երկրագործության և մասամբ անասնապահության վերելքով, որի շնորհիվ մի կողմից մթերքների պաշարները պահանջում էին խեցեղենի ավելի մեծ քանակ և օգտագործման համար ավելի պարզ և գործնական նշանակություն ունեցող ձևեր, մյուս կողմից փոխվում է նաև մարդու աշխարհաճանաչողությունը և այն ընդունում արտահայտման ավելի բարդ, վերացական ձևեր: Առաջ են գալիս պաշտամունքային նոր տարրեր:

Նկատի ունենալով Շրեշ-բլուրի և Քյուլ-թափայի խեցեղենի վերոհիշյալ յուրահատկությունները, համարելով այն հնագույն բրոնզեդարյան խեցեղենի վաղ փուլերից մեկը, կարելի է մոտավորապես թվագրել մ. թ. ա. III հազարամյակի առաջին կեսով:

Է. ԽԱՆՁԱԿՅԱՆ